



Na osnovu člana 68. stav 3. Zakona o organizaciji organa uprave Federacije Bosne i Hercegovine („Službene novine Federacije BiH“ broj: 35/05) i Programa utroška sredstava Fonda za zaštitu okoline za 2022. godinu broj: 02-11-1790/22 od 04.02.2022., Ministarstvo za prostorno uređenje, promet i komunikacije i zaštitu okoline Zeničko-dobojskog kantona, d o n o s i:

I N S T R U K C I J U

o utvrđivanju uvjeta, kriterija i postupaka za raspodjelu namjenskih sredstava zaštite okoliša

I.

Ovom Instrukcijom propisuju se uvjeti za raspodjelu sredstava po javnom pozivu, kao i kriteriji za ocjenjivanje prijava po javnom pozivu za dodjelu sredstava za realizaciju programa, projekata i sličnih aktivnosti iz područja zaštite okoliša.

II.

Za dodjelu sredstava koja se vrši po javnom pozivu, javni poziv se objavljuje u printanim medijima, „Službenim novinama Zeničko-dobojskog kantona“ i na zvaničnoj web stranici Zeničko-dobojskog kantona. Tekst javnog konkursa sadrži:

1. Predmet javnog konkursa,
2. Uslove koje podnosiocima prijave moraju ispunjavati,
3. Korisnike sredstava koji imaju pravo na podnošenje prijave,
4. Popis dokumenata koje je potrebno priložiti uz prijavu,
5. Osnovne kriterije odabira,
6. Vrednovanje projekata,
7. Opće odredbe.

Ministarstvo objavljuje javni poziv za pojedine korisnike sredstava, u pravilu najmanje jednom u kalendarskoj godini u skladu sa Programom utroška sredstava Fonda za zaštitu okoline kojeg usvoji Vlada Kantona za tekuću godinu. Javni poziv može obuhvatiti sva područja zaštite okoliša ili samo određena područja u skladu sa Programom utroška sredstava Fonda za zaštitu okoline.

Ako se na temelju prihvaćenih prijavi ne iskoriste sva finansijska sredstva planirana za programe i projekte utvrđene javnim pozivom, može se tokom godine za istu namjenu raspisati novi javni poziv.

III.

Pravo učešća u javnom pozivu imaju sve općine i gradovi, komunalna preduzeća, nevladine organizacije, udruženja građana, javne ustanove, obrazovne institucije, obdaništa, sportski klubovi.

Pravna lica kojima se dodjeljuju finansijska sredstva moraju ispunjavati sljedeće uslove:

1. Da imaju sjedište na teritoriji Federacije BiH,
2. Da aplicirane projekte realiziraju/implementiraju na području Zeničko-dobojskog kantona,
3. Podnesu zahtjev za korištenje finansijskih sredstava u skladu sa objavljenim Javnim pozivom,
4. Da su dostavili izvještaj o utrošku finansijskih sredstava, dodijeljenih po ranijim javnim pozivima ovog Ministarstva.
5. Uovoljavaju i drugim uslovima utvrđenim Javnim pozivom,

Prijave programa/projekata Korisnika dostavljaju se na posebnom prijavnom obrascu i treba da sadrže:

1. Ime aplikanta/podnosioca prijave,
2. Naziv i opis projekta,
3. Finansijske podatke o projektu koji je predmet prijave,
4. Ciljeve projekta,
5. Aktivnosti koje će se provesti da bi se postigli postavljeni ciljevi,
6. Dinamiku provođenja projekta,
7. Finansijsku analizu,
8. Opis očekivanih rezultata projekta.
9. Mjerljivost ostvarenja ciljeva koji se postižu realizacijom predloženog projekta.
10. Monitoring i evaluaciju projekta.

Sredstva iz Javnog poziva dodjeljuju se na osnovu zahtjeva i obavezne dokumentacije.

Svi dokumenti koji se predaju uz zahtjev kao osnovna dokumentacija moraju biti originali ili ovjerene kopije.

Posebna dokumentacija mora biti pregledna, vjerodostojna i tehnički korektna.

Nekompletni zahtjevi se neće razmatrati.

Dokumenti koji se šalju na Javni poziv se ne vraćaju aplikantu.

Aplikanti moraju projekat realizirati na području Zeničko-dobojskog kantona.

Obavezna dokumentacija mora sadržavati:

- Prijavu projekta na Javni konkurs - popunjen i potpisan obrazac od strane odgovornog lica (preuzima se sa web stranice: www.zdk.ba/javni-pozivi).
- Ovjerenu izjavu o namjenskom trošenju sredstava (ovjerena kod nadležnog organa uprave ili notara), ne stariju od mjesec dana od dana prijave na Jvni poziv.
- Ako se radi o sufinansiranju, ovjerenu izjavu o visini sredstava s kojima će aplikant učestvovati u sufinansiranju realizacije projekta koji predlaže (ovjerena kod nadležnog organa uprave ili notara), ne stariju od mjesec dana od dana prijave na Javni poziv.
- Projektno tehnička dokumentacija - Izvod iz Idejnog projekta ili Glavnog projekta, postojeće saglasnosti, dozvole, te druge tehničke specifikacije – samo za LOT 1, (obične kopije).
- Detaljan opis projekta po fazama kao i svih projektnih aktivnosti i dinamike realizacije – samo za LOT 2 (potpisan i ovjeren od strane aplikanta).
- Izvod iz Rješenja o upisu u Registar udruženja ne stariji od dva mjeseca od dana prijave na Javni poziv ili Rješenje o registraciji/Aktuelni izvod iz sudskog registra za ostale aplikante ne stariji od šest mjeseci od dana prijave na Javni poziv – samo za LOT 3, (original ili ovjerena kopija).
- Uvjerjenje o poreskoj registraciji - ID broj i PDV broj ukoliko su PDV obveznici, original bez ograničenja vremenskog trajanja ili ovjerene kopije ne starije od tri mjeseca od dana prijave.

IV.

- **Prijedlog raspodjele sredstava za projekte - Pomoć općinama/gradovima/komunalnim preduzećima Zeničko-dobojskog kantona u postupku zbrinjavanja komunalnog otpada (izgradnja novih sadržaja, rekonstrukcija postojeće infrastrukture, nabavka opreme i sl.) - LOT 1 – Kapitalni transferi drugim nivoima vlasti, daje komisija imenovana od strane ministra, cijeneći pri tome ukupan broj bodova utvrđenih na osnovu sljedećih kriterija:**

1. Pripremljenost projekta (pripremljenost tehničko-tehnološke dokumentacije, postojeće saglasnosti i dozvole, stepen pripremljenosti za početak radova, itd.). (do 20 bodova)
 - Djelomično - 1-10 bodova
 - Zadovoljavajuće - 11-20 bodova
2. Usklađenost planiranih aktivnosti sa akcionim planom Kantonalnog ekološkog akcionog plana Zeničko-dobojskog kantona, Planom upravljanja otpadom Zeničko-dobojskog kantona i

- Strategijom razvoja Zeničko-dobojskog kantona. (do 20 bodova)
- Djelomično - 1-10 bodova
 - Zadovoljavajuće - 11-20 bodova
3. Efekti na okoliš i stanovništvo koji se postižu realizacijom predloženog projekta (npr. očekivano poboljšanje kvaliteta okoliša, širi korisni uticaj projekta na okruženje i sl.). (do 20 bodova)
- Očekivani pozitivni efekti na okruženje 1-10 bodova
 - Samoodrživost projekta 1-10 bodova
4. Rok realizacije projekta (do 15 bodova)
- Predviđeni rok za realizaciju projekta - 1-15 bodova
5. Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona. (do 15 bodova)
- Ukupan broj dostavljenih izvještaja – 1-10 bodova
 - Blagovremenost izvještavanja 1-5 bodova
6. Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta) . (do 10 bodova))
- Vlastiti doprinos aplikanta ili sufinansiranje od strane drugih donatora – 1-10 bodova

Maksimalni iznos sredstava koja se mogu dodijeliti po projektu je 100.000,00 KM.

- **Prijedlog raspodjele sredstava za projekte - Pomoć općinama/gradovima / komunalnim preduzećima Zeničko-dobojskog kantona u postupcima održavanja i sanacije postojećih općinskih odlagališta, finansiranju transportnih troškova za najudaljenije općine u odnosu na regionalnu deponiju, čišćenja obala rijeka, čišćenja i sanacije divljih deponija i sl. - LOT 2 – Transferi drugim nivoima vlasti, daje komisija imenovana od strane ministra, cijeneći pri tome ukupan broj bodova utvrđenih na osnovu sljedećih kriterija:**
 1. Pripremljenost projekta (detaljan opis projekta po fazama kao i svih projektnih aktivnosti i dinamike realizacije). (do 20 bodova)
 - Djelomično - 1-10 bodova
 - Zadovoljavajuće - 11-20 bodova
 2. Usklađenost planiranih aktivnosti sa relevantnim strateškim dokumentima (Kantonalnim ekološkim akcionim planom Zeničko-dobojskog kantona, Planom upravljanja otpadom Zeničko-dobojskog kantona i Strategijom razvoja Zeničko-dobojskog kantona) i prioritetnim područjima. (do 20 bodova)
 - Djelomično - 1-10 bodova
 - Zadovoljavajuće - 11-20 bodova
 3. Referentna lista već implementiranih sličnih projekata. (do 15 bodova)
 - Realizirani projekti finansirani od strane ovog Ministarstva ili drugih donatora 1-15 bodova
 4. Stepen povoljnog uticaja na okoliš i održivost projekta (očekivano poboljšanje kvaliteta okoliša, širi korisni uticaj projekta na okruženje i sl.). (do 20 bodova)

- Očekivani pozitivni efekti na okruženje 1-10 bodova
- Samoodrživost projekta 1- 10 bodova
- 5. Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona. (do 15 bodova)
- Ukupan broj dostavljenih izvještaja – 1-10 bodova
- Blagovremenost izvještavanja 1-5 bodova
- 6. Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta) (do 10 bodova)
- Vlastiti doprinos aplikanta ili sufinansiranje od strane drugih donatora – 1-10 bodova

Maksimalni iznos sredstava koja se mogu dodijeliti po projektu je 50.000,00 KM.

▪ **Prijedlog raspodjele sredstava za Projekte iz oblasti zaštite okoliša-LOT 3 –Tekući transferi neprofitnim organizacijama, daje komisija imenovana od strane ministra, cijeneći pri tome ukupan broj bodova utvrđenih na osnovu sljedećih kriterija:**

1. Pripremljenost projekta/detaljan opis projekta u skladu sa zahtjevanim sadržajem programa (sveobuhvatnost, projektno partnerstvo, broj korisnika i obuhvat populacije, angažman volontera ili nezaposlenih, ciljna grupa kojoj je projekat namijenjen, usklađenost sa strateškim dokumentima). (do 20 bodova)
 - Djelomično - 1-10 bodova
 - Zadovoljavajuće - 11-20 bodova
2. Referentna lista već implementiranih sličnih projekata. (do 15 bodova)
 - Realizirani projekti finansirani od strane ovog Ministarstva ili drugih donatora 1-15 bodova
3. Rokovi za realizaciju projekta. (do 20 bodova)
 - Predviđeni rok za realizaciju projekta - 1-20 bodova
4. Uključenje većeg broja volontera. (do 20 bodova)
 - Ukupan broj angažovanog osoblja - 1-20 bodova
5. Obezbjedenje sredstava od strane korisnika u odnosu na ukupno potrebnu finansijsku konstrukciju (sufinansiranje projekta)) (do 15 bodova))
 - Vlastiti doprinos aplikanta ili sufinansiranje od strane drugih donatora – 1-15 bodova
6. Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona. (do 10 bodova)
 - Ukupan broj dostavljenih izvještaja – 1-7 bodova
 - Blagovremenost izvještavanja 1-3 bodova

Maksimalni iznos sredstava koja se mogu dodijeliti po projektu je 4.000,00 KM.

Da bi bila prihvatljiva, prijava treba da bude ocjenjena sa minimalno 60 bodova, dok maksimalan broj bodova koji može biti dodijeljen od strane komisije koja vrši vrednovanje i rangiranje prijava iznosi 100 bodova.

V.

Vrednovanje i rangiranje projekata pristiglih na Javni poziv vrši posebna komisija koju imenuje ministar Ministarstva za prostorno uređenje, promet i komunikacije i zaštitu okoline Zeničko-dobojskog kantona. Komisija razmatra zahtjeve i dokumentaciju zaprimljenu na osnovu Javnog poziva, ocjenjuje ispunjenost uslova i kriterija za odobravanje projekta i prijedlog dostavlja ministru koji donosi konačnu Odluku o korisnicima sredstava.

Odluka o odabranim korisnicima će biti objavljena na službenoj web stranici Zeničko-dobojskog kantona i smatrat će se obavještenjem i za aplikante kojima nisu odobrena sredstva.

Sredstva planirana ovim Javnim pozivom realizovat će se isključivo u skladu sa procentom realizacije ostarenih javnih prihoda u Budžetu Zeničko-dobojskog kantona i Zaključkom kojim se daje saglasnost na Program utroška sredstava Fonda za zaštitu okoline broj: 02-11-1790/21 od 04.02.2022. godine.

Prije donošenja konačne odluke o odabiru ministarstvo zadržava pravo da od predlagača projekata traži dodatna pojašnjenja dokumentacije, kao i pravo odbijanja pristiglih projekata bez posebnog obrazloženja.

Sa odabranim predlagačima zaključit će se ugovor o međusobnim pravima i obavezama u realizaciji projekta koji se finansira/sufinansira.

Visina sredstava pojedinačno zaključenih ugovora, ovisit će o stepenu ostarenja priliva namjenskih sredstava, a sve u skladu i na način utvrđen tačkom II. Zaključka kojim se daje saglasnost na Program utroška sredstava Fonda za zaštitu okoline broj: 02-11-1790/22 od 04.02.2022. godine.

Rok za podnošenje prijava je 15.04. 2022.godine.

Nepotpune i neblagovremene prijave, kao i prijave koje se ne odnose na predmetne programe i koje nisu u skladu sa definiranim uslovima ovog Javnog poziva neće se uzimati u razmatranje.

VI.

Instrukcija stupa na snagu danom donošenja, a objavit će se na službenoj stranici Zeničko-dobojskog kantona.

Broj: 12-19-1790-INS/22

Zenica, 14.03.2022.godine

